

stro praesente distinctum, neque falli quenquam oportere, quasi illud nostri compendium, aut nostrum illius fit; tota enim Tractatio diversa est, et dum illud Littera A. sequentes censet Titulos: *Abstinentia, Acceptio Munerum, Accidia, Adoratio Dei, Adulatio, Ambitio, Amicitia, Amor Dei, Amor Proximi, Amor carnalis, Angeli boni, Angeli mali, Anima, Apparitio, Aspectus, Astutia, Avaritia, Auditus verbi Dei, Aviditas mulierum, Auxilium Dei*; Nostrum non nisi sequentibus definitur: *Abstinentia, Accidia, Adulatio, Amicitia, Angeli, Apostoli, Ascensio, Avaritia.*

CLXXIII. VII. 9. 14.

562 Codex chartaceus lat. Sec. XV. Folior. 306. 4. currente calamo exaratus rubricisque distinctus hoc gaudet titulo: *Incipit liber super historijs noui ac veteris testamenti iuxta ordinem alphabeti per fratrem Petrum de Bruniquello ordinis fratrum heremitarum sancti augustini episcopum ciuitatis noue. Exemplum Operis hujus mss. adfert e Bibliotheca Vintimil. Ordinis sui Ossingerus in Bibl. August. p. 164. ad cujus calcem completum dicitur a. 1319. Autor vero ipse Fr. Petrus de Rupe Maura cognomento Bruniquello nuncupatur. Rupes porro Maura (Rochemore, Roquemauere) oppidum est Dioecesis Auenionensis, in quo obiit Clemens V. qui a. 1311. Petro Episcopatum Aemonensem sive Novae Ci-*
Denis Codd. mss. theol. Bibl. Palat.

uitatis in Istria contulerat. Ugello teste T. V. col. 238. functus illo videtur usque ad an. 1328. Gallus itaque habendus est, non Italus, ut quidam voluere, quamvis cognomen ejus de Bruniquello (Brunicelli, Brunnquell) non Itali modo, sed vel Germani vendicare sibi possint. Opus jam ille suum inscribit Reuerendo in Christo patri ac domino suo precipuo Berengario (Fredeoli, al. Stedelli seniori) diuina prouidentia episcopo Tusculano et sancte Romane ecclesie Cardinali penitenciarieque curam animarum gerenti post summum pontificem gregis christi, qui laborem hunc illi injunxerat. Initium: Quia feruenti desiderio hanelatis (anhelatis) ad ea que possunt cedere ad laudem creatoris et animarum salutem &c. — Sed quia abstinentia carnem domat et caro extenuata habilior est ad contemplantum diuina. Idcirco de abstinentia erit primum capitulum. Hic igitur habentur omnia, quae facer Textus de Abstinentia suggerit, et sic Capitibus CCL. proceditur usque ad Zelum, tum hoc legitur ἐπιφωμύα: Scriptum brunxellis et completum deo adiuuante per me fratrem Jobannem Duysseldorp pro tempore cursorem ibidem et nouissime promotum in cursorem treueren. Sub annis domini a natiuitate M^o. CCCCLXI^o. 5. mensis Augusti In conuentu fratrum ordinis beatissime Marie virginis de monte carmeli. De Viro hoc inter Suos laudato mox. Hic solum obseruo, Cursorem adpellatione Academica dictum fuisse
H h Bac.

Baccalaureum illum, qui ad legendum publice *Cursum* seu *Biblicum* seu *Sententiarum* admissus esset. De Opere denique nostro notandum, *Petrum* nostrum, quem admodum ipse *Nicolai de Hanapis* O. P. cujus habentur *Virtutum Vitiorumque Exempla e sacris Literis*, viam institit, ita imitatore[m] nactum fuisse Ordinis sui Virum *Antonium Rampigollum* in *Figuris Biblior.* et *Aureo Biblior. Repertorio*.

II. fol. 253. Queritur. *Vtrum penitenti confessato fratri non licenciato sub iuris forma debita sit necesse confiteri de nouo proprio sacerdoti delicta preconfessa.* Respondetur negando. In Actu Academico propositam fuisse Quaestionem adparet ex fine, ubi Autor *Venerabilium Magistrorum libramini* sua subjicit. Ad calcem: *Scriptum Treueris per fratrem Johannem Dusseldorp Anno domini M^o.CCCC^o.LXI^o. secundum stilum Treueren.* (annos 25. Mart. incipientem) *XX die mens. februarij qui fuit sabbato ante Dominicam LX^e. pro tunc Cursorem Inmeritum ibidem.*

III. fol. 277. Expositio Orationis Dominicae, quae incipit: *Pater noster — Sciendum quod in Oratione dominica sunt duo. s. oratio et petitio &c.* Ad calcem: *Per me fratrem Johannem de Dusseldorp scriptum tholose finitum est autem Anno domini M^o.CCCC^o.LXII^o et die vicesima quarta mens. aprilis. Johannem hunc Freytag multa scribere sed celare adseruit Job. Trithemius*

de Scriptt. Eccl. n. 960. unde et Tractatus duo mox indicati ad eum referri poterunt. Doctorem *Coloniensem* fuisse, Priorem Conuentuum suorum *Moguntiae* et *Argentinae*, *Palaestinamque*, quam adierat, descripsisse, tandemque *Argentinae* 1494. obiisse, idem tradit in *Catal. illustr. Germ. fol. 56.* Neque verbo plus *Lucius* in *Bibl. Carm. fol. 45.*

IV. fol. 301. Eadem manu Themata sacrarum Dictionum in Dies Dominicas, quibus Quaestiones e *Summa Thomae Aquin.* adcommodantur. Ejusdem puto *Johannis*, quem idem *Trithemius* a facundia in declamandis Sermonebus commendat.

CLXXIV. VI. C. 16.

Codex chartaceus lat. Sec. 14^a
XVI. Folior. 28. f. continet *Benedicti Ariae Montani* Hispalensis Librum *Thubal — Cain, sive de Mensuris Sacris* in tria, ut vocavit Autor, Volumina distinctum, descriptumque ad verbum cum ipsis ad calcem Cenforum Adprobationibus ex editione *Cph. Plantini* in Adparatum Bibliorum Regiorum *Antverpiae* 1572.

CLXXV. VIII. C. 12.

Codex membraneus lat. Sec. 19^a
minimum XII. Folior. 78. f. eleganter scriptus et rubricis distinctus, litera quadrata miniata sic praenotatur: *Incipit Expositio Bedae Presbiteri. De Tabernaculo Domini. Et Vasis eius. Ac Vestibus*